

PREPORUKE

I OPERATIVNI ZAKLJUČCI

sa prvog sastanka Pododbora za

TRGOVINU, INDUSTRIJU, CARINE I OPOREZIVANJE

u okviru SSP-a između EU-BiH

Brisel, 8. juli 2016. godine

- BiH treba nastaviti sa formalnim imenovanjima članova pododbora u skladu sa SSP-om.

Slobodno kretanja roba

- S obzirom na buduće učešće BiH u jedinstvenom tržištu EU, Komisija poziva BiH da uspostavi potpuno funkcionalan unutrašnji jedinstveni ekonomski prostor. To podrazumijeva uklanjanje svih nepotrebnih administrativnih, pravnih i tehničkih prepreka slobodnom kretanju roba u državi.
- Komisija poziva BiH da u cijeloj državi uvede harmonizovani pristup usklađivanju sa *acquis*-em EU. Usvajanje cjelodržavne Strategije za infrastrukturu kvaliteta u BiH je i dalje od velike važnosti.
- Komisija pozdravlja aktivnosti u sklopu međunarodne saradnje u pogledu infrastrukture kvaliteta, kao i unutrašnju saradnju u oblasti nadzora nad tržištem i standardizacije, te naglašava važnost osiguravanja kapaciteta i jačanja sveukupne saradnje među relevantnim institucijama, uključujući imenovanje Vijeća za mjeriteljstvo i Vijeća za standardizaciju.
- Komisija poziva BiH da stvori uslove za ravnomjernu primjenu postupaka ocjenjivanja usklađenosti u cijeloj državi.
- Komisija podstiče BiH da nastavi usklađivanje sa *acquis*-em EU uporedo sa stavljanjem van snage kontradiktornih domaćih propisa.
- *Komisija će pismenim putem dostaviti ocjenu usklađenosti Zakona o akreditaciji BiH sa acquis-em EU.*
- *BiH će Komisiji u pisanoj formi dostaviti ažurirane izvještaje o broju evropskih standarda usvojenih u BiH, koji će biti uključeni u godišnji izvještaj.*

- *BiH će u pismenoj formi dostaviti popratne informacije o ukidanju kontrola neprehrambenih proizvoda prije stavljanja na tržište u RS, kao i o aktivnostima inspekcije za nadzor nad tržištem u FBiH.*
- *BiH će Komisiji dostaviti analizu pravnog okvira i podjele nadležnosti za usklađivanje sa direktivama Starog i Novog pristupa.*

Industrijska politika i mala i srednja preduzeća

- Komisija je pozvala vlasti da dostavljaju informacije o postupanju u skladu sa Strateškim okvirom za razvoj BiH za period 2016-2018, koji je usvojen 13.1.2016, a posebno o konkretnim mjerama na razvoju industrijske politike u BiH. Državni i entitetski dokumenti se trebaju uskladiti i nadograditi da bi se njima rješavala pitanja kao što su konkurentnost i poboljšanje poslovnog okruženja, uključujući i uklanjanje prepreka za poslovanje preko entitetskih granica.
- Komisija je podstakla BiH da nastavi pripreme za usklađenu cjelodržavnu strategiju za turizam, sa mjerama na svim nivoima i u svim sektorima (npr. saobraćaj, infrastruktura), koje su započete 2013. godine.
- Komisija je pozdravila zajedničke zaključke iz Programa ekonomskih reformi od 25.5.2016. o uspostavljanju jedinstvenog ekonomskog prostora i o boljoj koordinaciji između državnih i entitetskih vlasti, te je pozvala BiH da usvoji konkretne mjere za provedbu tih zaključaka.
- Komisija je pozdravila to što je BiH potpisala EU program COSME, te je ohrabrila BiH da brzo počne sa ratifikacijom.
- Komisija je preporučila da BiH aplicira za pomoć u sklopu instrumenta TAIEX čim sporazum o programu COSME stupi na snagu, kako bi se u BiH organizovala radionica o tom programu sa ciljem da se poslovni subjekti u državi i finansijski posrednici upoznaju sa mogućnostima koje nudi program COSME.
- Komisija je ponovo izrazila potrebu za dopunjavanjem inicijativa entiteta i kantona cjelodržavnom koordinisanom strategijom za MSP, da bi se izbjegli poremećaji na tržištu, smanjili administrativni zahtjevi i osigurao jednak tretman privrednih subjekata u cijeloj državi.
- Komisija je ohrabrila vlasti u BiH da ostvare dodatni napredak ka uzajamnom priznavanju registracije poslovnih subjekata na nivou entiteta i usklađivanju postupaka registracije privrednih društava, kako bi se izbjegli poremećaji tržišta u državi.
- BiH treba u predstojećem periodu da postupi po ključnim preporukama iz Ocjene za 2016. godinu u skladu sa Aktom o malim preduzećima (SBA).

- Komisija je preporučila da u sljedećem ciklusu ocjenjivanja u skladu sa SBA državni koordinator za SBA ima aktivniju ulogu kao ekvivalent Komisiji i međunarodnim organizacijama, kao i aktivnu komunikaciju sa poslovnom zajednicom MSP-a.
- *BiH će Komisiji dostaviti srednjoročni program rada VM 2016-2018 sa provedbenim mjerama za Strateški okvir za razvoj BiH 2016-2018.*
- *BiH će dostaviti Komisiji konsolidovani izvještaj o provedbi Reformske agende na svim nivoima.*
- *BiH će dostaviti pisane informacije o rezultatima IPA projekata o poslovnom okruženju, uključujući i informacije o uticaju koncepta za provedbu Akta o malim preduzećima na ocjenjivanje u skladu sa SBA, akcijskom planu za podršku konkurentnosti MSP-a u BiH i rezultatima projekta 'Instrument za podršku konkurentnosti MSP-a'.*

Oporezivanje

- Komisija je pozvala BiH da brzo usvoji novi zakon o PDV-u.
- Komisija je pozvala BiH da osigura da sve izmjene i dopune Zakona o akcizama idu u pravcu usklađivanja sa *acquis*-em EU i ne dovode do fiskalne diskriminacije stranih proizvođača.
- Komisija je takođe preporučila BiH da ne postavlja nivo svojih akciza iznad prosjeka susjednih zemalja, kako bi se izbjegla prekogranična kupovina i eventualni problemi sa krijumčarenjem.
- Komisija je podsjetila BiH da se trenutnim stanjem sa akcizama na etil alkohol krše odredbe SSP-a, što bi moglo dovesti do otvaranja postupka za rješavanje sporova.
- Komisija je konstatovala da politika BiH o malim pivarama nije usklađena sa *acquis*-em EU (dvostruki prag proizvodnje, nepostojanje provjera vlasničkih struktura) i da bi se mogla smatrati mjerom fiskalne diskriminacije u suprotnosti sa obavezama prema SSP-u.
- *BiH će dostaviti pisane informacije o zakonodavstvu o direktnom i indirektnom oporezivanju, uključujući i kompletan tekst nacрта izmjena i dopuna Zakona o akcizama (o alkoholu, pivu, bezalkoholnim napicima i vodi), kao i plan za izradu NCTS-a (novog kompjuterizovanog tranzitnog sistema).*

Carine

- Komisija je pozvala BiH da brzo usvoji provedbene podzakonske akte za Zakon o carinskoj politici iz 2015. godine.

- Komisija je apelovala na BiH da osigura da elektronski potpis bude u funkciji i dostupan privrednim subjektima u cijeloj državi.
- Komisija je pozdravila to što je BiH ratifikovala svoje učešće u programima EU *Fiscalis2020* i *Customs2020*, te primjenu sistema *Asycuda World* u cijeloj BiH.
- Komisija je pozvala BiH da se drži dogovorenih rokova za početak IPA projekta za razvoj NCTS i da unaprijed osigura spremnost za stupanje na snagu novog carinskog zakonodavstva EU i vezanih transevropskih IT sistema.
- *BiH će dostaviti pisane informacije o broju carinskih transakcija, prosječnom vremenu potrebnom za carinjenje, periodima u kojima sistem ne radi, dnevnim praksama za nepisane carinske deklaracije, prosječnom godišnjem broju obuka za carinsko i porezno osoblje.*
- *BiH će dostaviti pisane informacije o trenutnom statusu Zakona o PDV-u i o tome da li je sa njim upoznat Odbor UIO*
- *BiH će dostavljati pisane informacije o planovima za nacionalni tranzit, uključujući trenutno stanje i rok za provedbu zajedničkih propisa o tranzitu*
- *BiH će dostaviti pisane informacije o planovima UIO za provedbu Protokola pet CEFTA-e*

Trgovina

- Komisija je zatražila da dobija statističke podatke izražene u eurima radi bržeg poređenja, te da ih dobija u toku istog referentnog perioda (kalendarske godine (januar-december).
- Komisija je pozdravila stupanje SSP-a na snagu i pozvala BiH na brzo parafiranje sporazuma o prilagođavanju SSP-a kako bi se uzelo u obzir pristupanje Hrvatske, a koji je postignut na tehničkom nivou na osnovu principa tradicionalne trgovine. Prilagođavanje SSP-a je uslov za napredak nakon aplikacije BiH za članstvo u EU, podnesene u februaru 2016. godine, kao i za ponovno uvođenje Autonomnih trgovinskih mjera (ATM).
- Komisija je naglasila potrebu da BiH uskladi svoje akcize za pivo i etil alkohol sa *acquis-em* EU, kako bi se izbjegla fiskalna diskriminacija između domaćih i proizvođača iz EU, koja je zabranjena prema članu 35.(1) SSP-a.
- BiH takođe treba raditi na ukljanjanju unutrašnjih prepreka trgovini i početi se pripremati za provedbu dodatnog Protokola V CEFTA-e za olakšavanje trgovine – između ostalog usvajanjem nacionalnog programa Ovlašteni privredni subjekat i liberalizacijom trgovine uslugama.
- Na kraju, što se tiče pristupanja BiH Svjetskoj trgovinskoj organizaciji (WTO), Komisija je konstatovala da su još uvijek otvoreni pregovori o pristupu tržištu sa tri zemlje (Brazil,

Ukrajina i Rusija) i ohrabrila BiH da ispuni preostala dva uslova (pristupanje Konvenciji UPOV i usvajanje izmjena i dopuna postojećeg Zakona o unutrašnjoj trgovini u FBiH), izražavajući svoju podršku i spremnost da nastavi pružati pomoć u pristupanju BiH WTO-u.

- BiH se nada da će dobiti još tehničke pomoći poput one koju je dobila putem projekta IPA 2011 za statistiku, a koja je popratila proces pristupanja WTO-u.
- *BiH će dostaviti statističke podatke o trgovini izražene u eurima i prema kalendarskoj godini jan/dec.*
- *BiH će dostaviti poseban dokument o bilateralnim trgovinskim odnosima, sa podacima na godišnjem nivou.*
- *BiH će dostaviti Komisiji tekst nacrtu izmjena i dopuna Zakona o akcizama u pogledu etil alkohola*
- *BiH će dostaviti pisane popratne informacije o pitanju politike za male pivare, uključujući i podatke o vlasničkoj strukturi privrednih društava korisnika*
- *BiH će dostaviti Komisiji informacije o statusu zakonodavnog postupka za nacrt Zakona o nadzoru nad tržištem*
- *BiH će dostaviti pisane informacije o trenutnom stanju u provedbi sporazuma CEFTA i njegovih protokola*
- *BiH će dostaviti pisane informacije o pregovorima o slobodnoj trgovini sa trećim zemljama, uključujući Tursku*
- *Komisija će dostaviti BiH pisane informacije o stanju pregovora o TTIP sa Sjedinjenim Američkim Državama*